



Fiskeridirektoratet, Region Vest  
Postboks L  
6701 MÅLØY

## **Utsleppsløyve for Eide Fjordbruk AS (H/k 032, H/k 033 og H/k 063) på lokaliteten Brandaskuta i Kvinnherad kommune**

### **Bakgrunn**

Vi syner til søknad datert 07.01.04, oversendt frå Fiskeridirektoratet, Region Vest i skriv datert 20.02.04. Verksemda søker om utviding av lokaliteten Brandaskuta frå 24 000 m<sup>3</sup> til 36 000 m<sup>3</sup> og om løyve til samdrift mellom konsesjonane H/k 032, 033 og 063 på lokaliteten.

Rapport frå resipientgransking og straummåling i området vart motteke 18.03.04 medan kommunal uttale vart motteke 19.03.04.

Vi syner også til møte med verksemda v/Knut Frode Eide med konsulentar 24.03.04.

Eide Fjordbruk AS fekk i tildelingsrunden i 2003 tildelt ein konsesjon for oppdrett av laks/aure, H/k 063. På grunn av den nye forskrifta om oppdrett av matfisk og stamfisk er konsesjonen allereie godkjent etablert i Kvinnherad, jf. løyve frå Fiskeridirektoratet, Region Hordaland datert 20.02.04.

### **Fylkesmannen si vurdering/grunngeving**

Fylkesmannen har vurdert søknaden etter forureiningslova og som statleg styresmakt innan naturvern-, friluftsliv-, vilt-, lakse- og innlandsfiskeinteresser, jf. § 5 i oppdrettslova.

#### *- Tilhøvet til plan*

Kvinnherad kommune handsama søknaden i møte i formannskapet 11.03.04 og tilrådte som omsøkt. Den omsøkte lokaliteten ligg i eit akvakulturområde i kommunedelplanen for Rosendal-området.

#### *- Vilt, laksefisk/innlandsfisk, naturvern og friluftsliv*

Fylkesmannen meiner at av omsyn til villfiskinteresser burde det ikkje vore tildelt nye konsesjonar for opprett av laksefisk i Hardangerfjorden før ein får betre kontroll med lakselus og rømming. Stoda er så kritisk at det er akutt fare for at villaksstammene i Hardanger vert utrydda. Kombinasjonen av lite vill gytefisk på grunn av lakselus og store mengder rømd fisk på gyteplassane gjer det naudsynt å vere ekstra varsam med produksjonsauke i dette området. Jo fleire konsesjonar som vert lagt til dette området, jo strengare restriksjonar må leggjast på kvart anlegg om ein vil berge villaksstammene. Når det no likevel er tildelt ein ny konsesjon i området, tilrår vi at det vert lagt særskilt vekt på rømmingssikringstiltak ved anlegget og likeins tiltak for å hindre spreing av lakselus.

Vedkomande viltinteresser vert det vist til uttale og vilkår gjeve i vedlegg 2.

#### - Forureining

I følge lokalitetsklassifiseringa vil det vere 100-120 m djupne under anlegget, og botn skal vere jamt skrånande, slett og fin. Det skal ikkje vere tersklar i området. Lokaliteten ligg ope til i Hardangerfjorden, og strømmålingane ved lokaliteten syner at det er god straum i området. Det er såleis å venta at det vil vere god utskifting av botnvatnet og at det difor kan vere tilrådeleg å gje løyve på 36 000 m<sup>3</sup>.

Eit volum på 36 000 m<sup>3</sup> gjev likevel eit potensial for høg organisk belastning, og vi finn det rett å overvaka lokaliteten. Det vert difor sett krav om ei resipientgransking i området rundt lokaliteten etter ei tid. Granskinga skal gjennomførast i samarbeid med kompetent faginstans, og skal gje eit bilete av tilstanden i sjølve resipienten, og ikkje berre i den næraste sona rundt utsleppspunktet, jf. MOM C-gransking. Rapport skal sendast fylkesmannen både elektronisk og i papirutgåve **innan 30.09.07**.

#### Utsleppsløyve

I medhald av § 11, jf. § 16, i *Lov om vern mot forurensningar og om avfall av 13. mars 1981 nr. 6* (forureiningslova), gjev Fylkesmannen i Hordaland med dette **Eide Fjordbruk AS**, løyve til utslepp til luft og vatn frå eit matfiskanlegg for laks og aure på følgjande lokalitet:

Lokalitet	Kommune	UTM-koordinater	Ramme
Brandaskuta	Kvinnherad	LM 276 528, Kartblad 1214-I	36 000 m <sup>3</sup>

Løyvet erstattar tidlegare løyve på lokaliteten. Løyvet gjeld på dei spesielle og generelle vilkår som følgjer vedlagt. Løyvet er ikkje gyldig før Fiskeridirektoratet, Region Vest har gjeve konsesjon etter oppdrettslova.

#### Ramme for utsleppsløyvet

Dette løyvet gjeld for eit matfiskanlegg for laks og aure, med eit samla volum på 36 000 m<sup>3</sup>, fordelt på konsesjonane H/k 032, 033 og 063. Kvar for seg har konsesjonane berre løyve til 12 000 m<sup>3</sup>.

Dersom konsesjonen ikkje har etablert seg, utvida eller flytta innan 2 år, må det etter § 20 i forureiningslova gjevast melding til fylkesmannen, som avgjer om det må sendast inn ny søknad.

Løyvet gjeld også for utslepp frå reingjering av produksjonsutstyr (med unntak av nøter), førtillaging og medisiner. Det er også sett vilkår for handtering av daudfiskavfall og anna avfall knytt til vanlege aktivitetar ved anlegget.

Løyvet gjeld ikkje for slakting/sløyving/foredling av fisk.

#### Fristar

Nedanfor er tidsfristar for gjennomføring av tiltak gjevne med tilvising til vilkår i utsleppsløyvet.

<b>Tiltak</b>	<b>Frist</b>	<b>Tilvising pkt.</b>
Innsending av rapport frå resipientgransking	30.09.2007	7.1

Vilkår for utsleppsløyve er gjeve i vedlegg 1.

### **Erstatningsansvar**

Utsleppsløyvet fritenk ikkje for erstatningsansvar for forureiningsskade etter forureiningslova, jf. § 10 og kap 8.

### **Klagerett m.m.**

Vedtaket kan påklagast til *Statens forurensningstilsyn* (SFT) etter reglane i kap. VI i forvaltningslova av partane i saka eller andre med rettsleg klageinteresse. Klage skal sendast til fylkesmannen innan 3 veker frå vedtaket har teke til å gjelde, dvs. frå det tidspunktet Fiskeridirektoratet, Region Vest har gjort sitt vedtak etter oppdrettslova. Klagen skal vise til det vedtaket som klagen gjeld og den eller dei endringar som klagaren ønskjer. Klagen bør grunngjevast, og eventuelle opplysningar som kan ha innverknad på saka bør nemnast.

Dersom vedtaket blir påklaga, kan fylkesmannen eller SFT etter førespurnad vedta at vedtaket ikkje skal tre i kraft før klagen er endeleg avgjort, jf. § 42 i forvaltningslova. Partane i saka har rett til å sjå saksdokument etter forvaltningslova §§ 18 og 19. Fylkesmannen vil på førespurnad kunne gi nærmare opplysningar om sakshandsaminga.

Med helsing

Håkon Kryvi e.f.  
seniorrådgjevar

Monica Ekli  
førstekonsulent

Vedlegg: Utsleppsløyve (vedlegg 1)  
Vilt (vedlegg 2)

Gjenpart m/vedlegg:  
Eide Fjordbruk AS, 5640 Eikelandsosen  
Kvinnherad kommune, 5470 Rosendal  
Hordaland fylkeskommune, Kommunesamarbeid, Postboks 7900, 5020 BERGEN  
Mattilsynet, Distriktskontoret for Sunnhordland, Borggate 26, 5417 Stord

## VEDLEGG 1

Vedlegg til utsleppsløyve  
av  
for Eide Fjordbruk AS  
(H/k 032, 033 og 063)

### VILKÅR FOR LØYVET

#### 1. UTSLEPP TIL VATN

##### 1.1 Fôr

Ved fôring av fisken skal tap og spill av fôr reduserast mest mogeleg.

Det er berre tillate bruk av tørrfôr eller mjukpellets.

DEFINISJONAR:

Mjukfôr/pellets: Oppmalen fisk/fiskeavfall, tilsett så mykje bindemiddel at det kan fôrast ut som pellets utan å gå i oppløysing.  
Tørrstoffinnhald > 50 %

Tørrfôr: Tørrstoffinnhald > 90 %

##### 1.2 Medisin/kjemikaliar

Bruk og utslepp av medisin, insekticid, desinfeksjonsmiddel m.m. skal skje i samsvar med gjeldande regelverk/retningslinjer frå forureiningsstyresmaktene.

##### 1.3 Sanitæravløpsvatn

Utslepp av sanitæravløpsvatn frå personalrom m.m. må godkjennast av kommunen i samsvar med gjeldande reglar for utslepp.

#### 2. UTSLEPP TIL LUFT

Fôrlagring og fôrtillaging, spyling, reingjering og tørking av nøter, handtering av avfall, samt andre aktivitetar ved anlegget skal gå føre på ein slik måte at dei ikkje fører til særlege luktulempar for naboar m.m.

#### 3. STØY

Oppdrettsanlegget skal utformast og drivast slik at støynivået ikkje overstig SFT sine grenseverdier for ekstern industristøy, jf. *Retningslinjer for begrensning av støy fra industri m.v.* (TA-506, 1985).

#### 4. AVFALL OG SLAM

##### 4.1 Produksjonsavfall og slam

Daud fisk, slakteavfall, fôrrestar, slam, feitt o.l. skal handterast slik at det ikkje oppstår forureiningsmessige ulemper.

Oppdrettsanlegget skal disponere eigen daudfiskkvvern/ensileringsutstyr og mellomlager for lokal handsaming og konservering av fiskeavfall. Ensilert fiskeavfall skal mellomlagrast lokalt, og oppdrettsverksemda skal ha tilgang til lagertank. Volum på lagertank skal

avpassast etter produksjonsmengde og transportavstandar, og bør vere 5 % av årleg produksjonsmengde.

Daud fisk skal takast opp av sjøen minst ein gong kvar dag i sommarhalvåret og minst ein gong annankvar dag i vinterhalvåret. Når det døyrr meir fisk i anlegget enn vanleg, skal frekvensen aukast tilsvarende.

Oppsamla daud fisk skal konserverast straks ved ensilering, frysing e.l. og førast til eige lager. Ved ensilering skal fisken kvernast.

Ensilert fiskeavfall skal leverast til godkjent attvinningsanlegg for fiskeavfall.

Dumping av daud fisk og anna avfall i sjøen er ikkje tillate.

Nedgraving og forbrenning er ikkje tillate utan skriftleg løyve. Søknad om forbrenning skal rettast til *Statens forurensningstilsyn*, medan søknad om nedgraving skal rettast til fylkesmannen og fylkesveterinæren.

Oppdrettsanlegget skal ha planar (beredskapsplan) og utstyr for å ta hand om massiv fiske-daude, t.d. ved algeoppblomstring eller sjukdom. Beredskapsplanen skal m.a. omfatte strategiar til raskt å kunne handtere massedaude av fisk i anlegget, og klargjere kven som har ansvar for kva i slike situasjonar

#### **4.2 Medisin- og kjemikalierestar.**

Unyttaste restar av medisinfor, antibiotika, insekticid samt andre spesielt miljøfarlege stoff inkludert emballasje skal samlast og lagrast forsvarleg før dei vert henta av produsent eller annan instans som er godkjend av styresmaktene. Det same gjeld for oppsamla forrestar og ekskrement som inneheld antibiotika.

#### **4.3 Anna avfall**

Emballasje o.l. samt alt anna avfall som ikkje er omfatta av pkt 4.1 og 4.2 skal førast til godkjent avfallsanlegg for slike avfallstypar.

#### **4.4 Slamfjerning**

Dersom det må fjernast slam frå sjøbotnen, må det søkjast om eige løyve. Skriftleg søknad som gjer greie for korleis slammet er tenkt transportert og disponert skal sendast til fylkesmannen. P.g.a. smittefaren må også veterinærstyresmaktene varslast.

Oppsamla slam skal om mogeleg nyttast til gjødsel/jordforbetningsmiddel.

### **5. LAGRING AV MEDISIN OG KJEMIKALIAR**

Medisin, insekticid, kjemikalier m.m. skal lagrast forsvarleg og avlåst slik at dei ikkje er tilgjengelege for uvedkomande.

Lagerlokalet skal utformast slik at spill ved uhell e.l. ikkje blir slept ut, men kan samlast opp. Dette kan t.d. sikrast ved hjelp av oppsamlingstankar eller ved å laga kantar som gjer eit stort nok volum.

## 6. KONTROLL

### 6.1. Rutinar for vedlikehald.

Verksemnda pliktar å føre jamleg tilsyn og kontroll med fôringsutstyr, eventuelle reinseanlegg m.m., slik at desse alltid vert drivne mest mogeleg effektivt. For å sikre dette, skal verksemnda driva rutinemessig førebyggjande vedlikehald og ha eit rimeleg reservelager av dei mest utsette komponentane.

### 6.2 Kontroll

Verksemnda skal registrere og journalføre følgjande data;

- \* fiskemengde
- \* mengde daud fisk
- \* mengde rømd fisk
- \* fôrtype og fôrforbruk
- \* bruk av:
  - antibiotika, type og mengde
  - insekticid " "
  - andre kjemikaliar
- \* mengde oppsamla slam med antibiotika, og disponeringsmåte
- \* avfallsmengder og disponeringsmetode

Journalen må takast vare på ved anlegget i minst 2 år og vere tilgjengeleg ved kontroll/-inspeksjon.

Verksemnda pliktar å la representantar for fylkesmannen og dei etatar og institusjonar som har fullmakt frå fylkesmannen inspisere anlegget når dei måtte ønskje det.

## 7. RESIPIENTGRANSKINGAR

Verksemnda pliktar å kosta eller delta i dei granskingar som fylkesmannen finn turvande for å kartleggje forureiningseffekten til anlegget, jf. § 51 i forureiningslova . Verksemnda kan også påleggjast å betale ein høvesvis del av kostnadene ved eit resipientgranskingsprogram for området der anlegget er plassert.

### 7.1 Resipientgransking ved lokaliteten Brandaskuta

Verksemnda vert pålagt å gjennomføra ei resipientgransking ved **Brandaskuta**. Granskinga skal gjennomførast i samarbeid med kompetent faginstans, og skal gje eit bilete av tilstanden i sjølve resipienten, og ikkje berre i den næraste sona rundt utsleppspunktet, jf. MOM C-gransking. Rapport skal sendast fylkesmannen både elektronisk og i papirutgåve **innan 30.09.2007**.

## 8. GENERELT

### 8.1 Eigenkontroll og ansvar

Verksemnda pliktar, gjennom instruksar, kontroll og andre tiltak, å syte for at drifta av anlegget skjer slik at ulemper og skadeverknader vert mest mogeleg avgrensa.

### 8.2 Akutte utslepp

Verksemnda pliktar å gjennomføre tiltak med sikte på å unngå akutte utslepp av t.d. antibiotika, kjemikaliar o.l. Dersom det oppstår akutte utslepp skal fylkesmannen varslast så snart som mogeleg.

### **8.3 Forureiningsgebyr og straffeansvar**

Forureiningsstyresmaktene kan etter § 73 i forureiningslova gjere vedtak om forureiningsgebyr for å sikre at reglane i lova og vilkåra i dette løyvet vert etterlevde.

Brot på vilkåra i løyvet er straffbart etter kap. 10 i forureiningslova.

### **8.4 Endring av utsleppsløyvet**

Dersom fylkesmannen finn det naudsynt, kan det setjast krav om at ytterlegare tiltak vert gjennomførte for å hindre eller redusere forureiningsfaren frå oppdrettsanlegget. Eventuelt kan han krevja at anlegget vert flytta når krava i § 18 i forureiningslova "*om endring og omgjøring av tillatelse*" er oppfylte.

### **8.5 Nedlegging, eigarskifte, konkurs**

Ved eigarskifte, inkludert eigarskifte i samband med konkurs, må det gjevast melding om dette til forureiningsstyresmaktene innan 4 veker. Det same gjeld ved endring av namn.

Ved nedlegging av drifta, t.d. på grunn av konkurs, skal det også gjevast melding til forureiningsstyresmaktene, jf. § 20 i forureiningslova.

Verksemda er ansvarleg for rydding og istandsetjing av det området som har vore i bruk, jf. § 20 i forureiningslova.

## VEDLEGG 2

### VILT

Lov om viltet av 1981 skal sikre alle dyr og fuglar eit minimum av vern. I utgangspunktet er alle viltartar freda. §3 seier:

*"Ved enhver virksomhet skal det tas hensyn til viltet og dets egg, reir og bo, slik at det ikke påføres unødig lidelse og skade."*

Etablering av oppdrettsanlegg vil alltid kunne føre til visse konflikter i forhold til viltet. Røynsle har vist at alle typer oppdrettsanlegg, også skjelanlegg, kan verke tillokkande for ulike viltartar frå dei kringliggjande områda. Skadeproblema som dermed oppstår, kan i neste omgang gjere det aktuelt å søkje om fellingsløyve.

Før det blir søkt om fellingsløyve, pliktar eigar, brukar eller rettshavar å prøve andre tiltak for å førebyggje viltskade.

Av omsyn til viltinteressene, og som førebyggjande tiltak mot viltskade, fastsetjast følgjande vilkår for konsesjon:

1. Eigar av matfisk- eller setjefiskanlegg skal montere måsenett over kar og merdar som står utomhus før dei vert tekne i bruk. Det må sytast for at nettet til ei kvar tid er i tilfredsstillande stand.
2. Dersom det oppstår viltskade på oppdrettsanlegget skal eigaren straks ta kontakt med viltansvarleg i kommunen for å drøfte aktuelle tiltak.
3. Eigaren av matfiskanlegg skal førebu montering av flytelense med sperregarn og ottersikker port på landgangen. Montering av lense og port skal gjennomførast når fylkesmannen eller miljøvernstyresmaktene sentralt krev det. Maskevidda på sperregarna skal avgjerast av miljøvernstyresmaktene.